


清通禮

十五之七

六



漢書門			
九	二	〇	七
一	〇	四	號
一	三	架	函
一	六	冊	類

內閣文庫			
九	二	〇	七
一	〇	四	號
一	三	架	函
一	六	冊	類

內閣文庫			
番號	漢	9207	
冊數	16(7)		
函號	295	31	



大清通禮卷之十五

吉禮

祀

北極佑聖真君之禮。每歲

萬壽聖節。遣官一人詣

顯佑宮將事。是日。廟祝潔掃廟宇內外。太常寺官

具器陳設。果盤五。餅餌盤十有五。鑪一。鐙二。設

案一於南。少西。北向。供祝版。設案一於東西向。

陳禮神制帛一。色白。香盤一。茶棊二。設洗於東階。



下少南。和聲署官設樂於西階上。鼓一。笙一。管二。雲璈一。篪二。板一。承祭官拜位在殿內正中。司祝。司香。司帛。司琖。各一人。分立祝案。尊案之次。典儀立於殿東檐下。掌燎率燎人立燎鑪之南。黎明。承祭官朝服詣廟。贊引太常寺贊禮郎二人引承祭官由左側門入。贊引官贊盥洗。承祭官盥手畢。贊引官二人導引承祭官升東階入殿左門。至拜位前北面立。典儀贊執事官各共迺職。贊禮郎贊就位。承祭官就位立。典儀贊

迎

神樂作。辭曰。居所躔星軫象緯環拱辰貞元運轉。藏用顯仁宥密基命毓和葆順潔粢醴以昭信。日襄哉贊大鈞。贊禮郎贊詣上香位。引承祭官詣香案前立。贊上香。司香跪進香。承祭官舉炷香。三上瓣香畢。贊復位。引承祭官復位。贊跪叩興。承祭官行三跪九叩禮。興。典儀贊行初獻禮。司帛。司琖。各進至

神位前。司帛奉篚。跪奠於案。三叩興。司琖奉茶。琖

立獻於案正中。皆退。司祝至祝案前。跪三叩。興。奉祝版。跪案左。樂暫止。贊禮郎贊跪承祭官。跪贊讀祝。司祝讀祝辭曰。維某年月日。皇帝遣某官某致祭於

北極佑聖真君曰。茲朕誕辰。惟

神永垂默佑。謹以茶果庶品之儀致祭。尙

饗讀畢。興。以祝版跪安篚內。叩如初。興。退。樂作。贊禮郎贊叩。興。承祭官行三叩禮。興。典儀贊行亞獻禮。司琖奉茶。琖獻於左。如初。獻儀退。典儀贊

行終獻禮。奉茶。琖獻於右。如亞獻儀。退。典儀贊送

神。贊禮郎贊跪叩。興。承祭官行三跪九叩禮。興。典儀贊奉祝。帛送燎。司祝。司帛詣

神位前。咸跪三叩。司祝奉祝。司帛奉篚。興。司香跪奉香。興。以次恭送燎所。承祭官避立拜位西旁。俟祝帛過。復位立。典儀贊望燎。贊禮郎引承祭官詣燎位。眡燎。贊禮畢。樂止。引承祭官退。執事官皆退。

右祀

顯佑宮

祀

司火神之禮。歲六月下旬三日。遣官一人將事。祀日。廟祝潔埽廟宇內外。太常寺具祝版。備器陳牛一。羊一。豕一。果實五盤。鑪。具殿中。少西設案。北向。供祝版。東設一案。陳禮神制帛一。色尊一。爵三。香盤一。和聲署設樂於西階下。器數詳見祀顯佑宮禮。太常寺設洗於東階下。少南。設承祭官拜

位於殿內正中。司祝。司香。司帛。司爵。各立祝案。尊案之次。典儀立殿東檐下。掌燎率燎人立燎鑪旁。承祭官朝服。行三跪九叩禮。升降均由東階。出入殿左門。迎

神。上香。奠帛。讀祝。三獻爵。送

神。望燎。儀均與祀

顯佑宮同。祝辭曰。維某年月日。

皇帝遣某官某致祭於

司火之神曰。惟

神令司赤帝。德炳離明。屆此良辰。爰修專祀。鑒茲
特典。綏我烝民。尙

饗樂辭曰。離正南方位。燭照光九圍。粒民火食。功
用不違。瓘明粢。我民所慰。履祥靄。戢鷄尾息

融風降福禧。

右祀

火神廟

祀

礮神之禮。每歲季秋朔日。於盧溝橋西。席地爲壇。

遣八旗漢軍都統。或副都統。八人將事。副都統
以下至佐領。咸陪祀。豫日。地方官備案。太常寺
官具祝版。備器陳。屆祀日。漢軍弁兵。陳八旗礮
位於壇內。按翼左右序列。皆西向。前設八案。各
設

神位。以紙爲之。

又前設牲案。各陳羊一。豕一。果實五盤

棧二十。又前設香案。各陳鑪一。鐙二。鑲黃旗壇

位前少北。設一案。供祝版。左右分設二案。各陳

香盤四。爵十有二。尊四。冪勺。具。設洗於壇外之

南太常寺司祝司香司爵各立祝案尊案之次承祭官位各香案前東面陪祀副都統以下以其班序重行異等均東面典儀一人立於壇左掌燎率燎人立燎鑪隅黎明承祭官暨陪祀官咸補服詣壇贊引太常寺贊禮郎各二人分引承祭官至盥洗所盥洗手畢詣各拜位前立典儀贊執事官各共迺職贊禮郎贊就位承祭官各就位立典儀贊迎

神贊禮郎贊詣上香位引各旗承祭官分詣各旗礮位前贊上香司香跪奉香承祭官舉炷香三上瓣香畢贊復位各引承祭官復位立贊跪叩與承祭官行三跪九叩禮陪祀官均隨行禮典儀贊行初獻禮有司揭尊幕勺挹酒實爵各進至

神位前奉爵立獻於案正中退司祝詣祝案前跪三叩興奉祝版跪案左贊禮郎贊跪承祭官暨陪祀官咸跪典儀贊讀祝司祝讀祝辭曰維某年月日

皇帝遣某官某等致祭於

司礮之神曰惟

神欽

天命而無私助揚威武有功國家茲當季秋之時特以

牲醴遣官致祭

神其鑒之尙

饗讀畢興奉祝版跪安於鑲黃旗礮位前叩如初

興退贊禮郎贊叩興承祭官暨陪祀官均行三

叩禮興典儀贊行亞獻禮司爵各奉爵獻於左

如初獻儀退贊行終獻禮司爵各奉爵獻於右

如亞獻儀退典儀贊送

神贊禮郎贊跪叩興承祭官陪祀官均行三跪九

叩禮興典儀贊奉

神牌祝版送燎有司各奉

神位在前次祝次香由中道恭送燎所承祭都統

各避立拜位右俟過復位立贊禮郎贊詣望燎

位引承祭官各詣燎位眡燎贊禮畢引承祭官

退執事各官皆退

右祀

礮神

祀火器營

礮神之禮每歲漢軍祀

礮神日遣火器營總統一人致祭火器營各官咸

補服陪祀迎

神上香讀祝獻爵送

神望燎均與漢軍祀

礮神儀同

右祀火器營

礮神

祭

都城隍神之禮每歲

萬壽聖節遣官一人將事是日廟祝潔埽廟宇內外

太常寺官具祝版備器陳牛一羊一豕一果實

五盤鑪一鐙二設案一於殿中少西北向供祝

版設案一於殿東西向陳禮神制帛一色香盤

一尊一爵三設洗於東階下和聲署設樂於西

階上器數詳見祀顯佑宮禮承祭官拜位在階上正中。太

常寺司祝司香司帛司爵分立祝案尊案之次

典儀立殿外東檐下掌燎率燎人立燎鑪之前

均如常儀黎明承祭官朝服詣廟贊引太常寺

贊禮郎二人引承祭官由左側門入贊盥洗承

祭官盥手畢升東階至拜位前北面立典儀贊

執事官各共迺職贊禮郎贊就位承祭官就位

立典儀贊迎

神樂作辭曰佳麗皇都勝保障

神力宏萬方輻輳。龙夜不驚。正直聰明。瘳彰如影。

荷靈貺篤其慶。固金甌護玉京。贊禮郎贊就上

香位。引承祭官入殿中門。至香案前立。贊上香。

司香跪奉香。承祭官上炷香。三上瓣香。畢。贊復

位。承祭官復位立。贊跪。叩興。承祭官行三跪九

叩禮興。典儀贊奠帛爵。行初獻禮。司帛跪獻篚

於案三叩興。司爵立獻爵於正中。皆退。司祝詣

祝案前。跪三叩興。奉祝版跪案左。樂暫止。典儀

贊讀祝贊禮郎贊跪。承祭官跪。司祝讀祝辭曰。

維某年月日。

皇帝遣某官某致祭於

都城隍之神曰。茲朕誕辰。惟

神永垂護佑。謹以牲醴致祭。尙

饗。讀畢。興。奉祝版。跪安於篚內。叩如初。興。退。樂作。

贊禮郎贊叩。興。承祭官行三叩禮。興。典儀贊行

亞獻禮。司爵奉爵。獻於左。儀如初。獻退。典儀贊

行終獻禮。司爵奉爵。獻於右。如亞獻儀。退。典儀

贊送

神贊禮郎贊跪叩。興。承祭官行三跪九叩禮。興。典

儀贊奉祝帛。送燎。司祝司帛詣

神位前。咸跪。三叩。奉祝帛。興。司香跪奉香。興。以次

送至燎所。承祭官避立拜位西。俟祝帛過。復位

立。典儀贊望燎。贊禮郎引承祭官詣望燎位。眡

燎。贊禮畢。引承祭官仍由東側門出。樂止。各退

歲秋。諏吉。遣官致祭。

神位前。陳釗二。簋二。盥二。籩十。豆十。餘牲帛尊爵。

輿。鑪。鐙。同前送。

神時典儀贊徹饌有司迺徹餘均如前儀祝辭曰
 維某年月日皇帝遣某官某致祭於

都城隍之神曰惟
 神正直實贊靈化捍禦之功都邑所賴祇嚴歲祀

用答

神麻尙其歆茲永福黎庶尙
 饗

右祭

都城隍廟
 東嶽神之禮每歲
 萬壽聖節遣官一人將事是日廟祝潔掃廟宇內外

太常寺官具祝版備器陳牛一羊一豕一果實

五盤鑪一。鐙二。殿中少西設案供祝版東設一

案陳禮神制帛一。色青香盤一。尊一。爵三。和聲署

設樂於西階上太常寺設洗於東階下少南承

祭官拜位在階上正中司祝司香司帛司爵典

儀掌燎各以其職為位。承祭官朝服行禮。迎神。上香。初獻。讀祝。亞獻。終獻。送。於東。剖。不。也。南。承。神。望。燎。儀。均。與。祭。一。香。盤。一。爵。一。爵。三。味。盤。器。都城隍廟同。祝辭曰。維某年月日。皇帝遣某官某致祭於。東嶽泰山之神曰。茲朕誕辰。惟。神。永垂默佑。謹以牲醴庶品之儀致祭。尚。饗。樂辭曰。維嶽崧高。五泰岱常祀。殊累朝玉檢。柴。望始虞。木德條風。吹萬畢煦。宅東寓以生物。仰。

天齊鑿有孚。

右祭

東嶽廟

祭

黑龍潭龍神之禮。歲春秋諏吉。遣官一人將事。是日。太常寺官具祝版。備器陳。羊一。豕一。簋。簋。各二。籩。豆。各十。鑪。鐙。具。殿中少南。設案。供祝版。北。設一案。陳禮神制帛一。色黑。香盤一。尊一。爵三。和。聲署設樂於南階上。太常寺設洗於東階下。之。

北承祭官拜位在階上正中。司祝司香司帛司爵典儀掌燎各以其職為位。承祭官朝服行禮

迎

神。初獻讀祝。亞獻終獻。徹饌送

神。望燎儀均與祭

都城隍廟同。祝辭曰。維某年月日。

皇帝遣某官某致祭於

昭靈沛澤龍王之神曰。惟

神澤潤生民膏流甸服雨暘時若夙彰孚應之靈

年穀順成溥被綏豐之福念

神庥之不著惟典祀之宜崇茲值仲春用申報饗

尙其歆格鑒此精誠尙

饗樂辭曰。與雨祁祁應。歷歲恩屢覃。湫幽

神御農扈具瞻。寸合崇朝。十千有滄。黍膏溥牟麥

湛。賽

神庥以作甘。樂辭凡龍神祠並同。

右祭

黑龍潭龍神

玉泉山龍神祠。歲以春秋仲月。與

黑龍潭龍神同日致祭。遣官一人將事。太常寺官

設祝案於殿中少西。供祝版。東設一案。陳禮神

制帛一。色白。香盤一。尊一。爵三。設洗於東階之南。

和聲署設樂於西階上。餘供牲牢品物。遣官行

禮儀節。及所用樂辭。均與祭。黑龍潭龍神同。祝辭曰。維某年月日。

皇帝遣某官某致祭於

惠濟慈佑靈瀆龍王之神曰。惟

鑒此精誠。尙

神潤下流膏。應時澤物。珠泉湧地。毓靈脈於山林。

玉液成川。暢清流於畿甸。滋昫昫之繡壤。允資

灌注之功。通翼翼之漕艘。長助輓輸之利。聿昭

靈貺。宜奉明禋。茲值仲春用申報饗。尙其歆格。

鑒此精誠。尙

饗

右祭

玉泉山龍神

昆明湖龍神祠。歲以春秋仲月。與

大清通禮 卷十五
黑龍潭龍神。同日致祭。遣官一人將事。太常寺官
設祝案於殿中少西南向。供祝版。東設一案。陳
禮神制帛一。色白。香盤一。尊一。爵三。設洗於南階
之東。和聲署設樂於西階上。餘陳設祭品。行禮
儀節。及所用樂章。與祭

黑龍潭龍神同。祝辭曰。維某年月日。
皇帝遣某官某致祭於。
安佑普濟沛澤廣生龍神曰。惟
神德隆潤下。秩眡升中。周禁籙以滌洞。如臨左右。

濬神皋而灌注。莫測津涯。靈應常昭。虔忱夙展。
凡籲求乎甘澍。皆立霈於崇朝。

顯號優加。明禋特薦。沛然若江河。莫禦。被澤無疆
廣矣。言天地之閒。資生允賴。或源也。或委也。祭
川隆先後之文。有祈焉。有報焉。練日舉春秋之
典。煙凝棟宇。結彩霧以揚靈。雲擁旛幢。御長風
而來格。尙其歆享。鑒此苾芬。尙

饗。

右祭

昆明湖龍神祠

白龍潭龍神祠。歲以春秋仲月。與

京師龍神祠。同日致祭。遣官一人將事。地方官備祭案具器陳。供祝版。陳香帛尊爵。豫備贊引。讀祝各執事。餘陳設牲牢品物。及行禮儀節。與

京師龍神祠同。祝辭曰。維某年月日。

皇帝遣某官某致祭於

昭靈廣濟普澤龍神曰。膏澍覃敷。畿甸式彰。夫顯績馨香。昭報歲時。特列於明禋。允酬潤下之功。

宜眠升中之禮。惟

神靈湫普。賦近輔蒙。麻噓元氣。於三潭。協庶徵乎

十日。自

先朝嘉乃佑民之力。爰

錫徽稱。迨今日紓予望歲之懷。復增茂典。寅祈若響。沐

解澤之旁流。申鑒匪遙。冀豐年之霑足。茲惟

而拱護。既溥既長。薦以苾芬。於斯歆格。尚

饗

饗

右祭

白龍潭龍神祠。禮部奏請。以故志。其祀。請於

綺春園內。祀神。字。其。祀。以。受。其。祀。黃。圖。

惠濟祠。歲以春秋仲月。與真武。等。祀。黃。圖。

玉泉山昆明湖龍神祠。同日致祭。遣官一人將事。

太常寺官具祝版。陳禮神制帛一。色。香盤一。尊。

一。爵三。餘陳設牲牢品物。行禮儀節。及所用樂。

章。設樂係內監與祭。崇。祀。元。辰。於。三。尊。對。於。平。

黑龍潭龍神祠同。祝辭曰。維某年月日。

皇帝遣某官某致祭於

護國庇民妙靈昭應宏仁普濟福佑羣生誠感咸

孚顯神贊順垂慈篤祐天后之神曰。惟

神順體坤元信孚坎習炳英靈於海澨資保障於

河隄自淮壩崇建專祠俾臺吏敬修祀典屬以

宣防塵念桷榑制仿夫南邦因之籲禱輸忱俎

豆儀陳夫上苑肆隨時而展禮果比歲之蒙庥

宜肅明禋用承渥貺舉隆文於園籩眡水官而

並薦馨香溥嘉祉於寰區偕河伯而同昭妥侑

鸞駟雲擁。九霄瞻靈旆之來。鯤壑波澄。三汎普安。瀾之慶式。申虔悃。仰答

洪庥。謹

告。

右祭

惠濟祠

綺春園內

河神廟與

惠濟祠同日致祭。遣官一人將事。太常寺官具祝

版陳禮神制帛三。色白。香盤三。尊三。爵九。餘陳設

牲牢品物。行禮儀節。及所用樂章。設樂係內監。與祭

惠濟祠同。祝辭曰。維某年月日。

皇帝遣某官某致祭於

長源佑順淮瀆之神。

顯佑通濟昭靈効順廣利安民惠孚金龍四大王

之神。

靈佑襄濟顯惠黃大王之神。曰。惟

神惠普羣生。秩尊四瀆。表流謙以潤下。資上善以

大清通志 卷十五
朝宗。竹箭風馳。裕轉輸而通舟楫。桃花漲暖。利
灌溉以殖田疇。前因特軫宣防。廟貌聿新於御
苑。繼此頻申籲祝。汎期屢慶。夫安瀾允惟。虔感
之深。宜有明禋之奉。恬波順軌。遙連星宿之長
源。展禮升馨。爰著春秋之令典。出榮光而表瑞
用。鞏金隄。結彩霧。以揚靈載。歆玉醴。肅恭祀事。
侑答
神庥謹
告。

右祭

河神廟

祭

后土神

司工神之禮。凡大興作。諏吉遣官各一人將事。豫
日工部官於營建所在。因其方。設左右二壇。以
織葦爲殿。圖績結彩。祭日五鼓。太常寺官具祝
版。祝文翰林院設
隨事擬擬。
神案各一。於壇內正中。以黃紙書

后土之神

司工之神皆為位。供案上各陳羊一豕一餅餌十有五盤。果實五盤。鑪。鐙。具。設祝案於中。少右。供祝版。左設一案。陳帛一。色香盤一。尊一。爵三。和聲署設樂。太常寺設洗如式。司祝。司帛。司香。司爵。典儀掌燎。各以其職為位。承祭官拜位。在壇內。香案前正中。贊禮郎引承祭官朝服行禮迎神。上香。初獻。讀祝。亞獻。終獻。送神。望燎。均與祭。

都城隍廟同。樂辭曰。仰眺銀河上閣道。如駕梁儼

神宅。只愉矣。穆將揆日。鳴囊繫

神斯掌。奠椒酒。以禮亨荷。

神庥澤未央。

右祭

后土

司工

迎吻祭

窑神

門神之禮各遣官一人將事。豫日工部官設壇於琉璃窰及迎吻所經之門。以織葦爲殿。圖績結采。祭日五鼓和聲署設樂於各壇前。設導迎樂於窰門外。太常寺官具祝版。祝文翰林院隨事擬擬。設神位。陳羊豕餅餌果實香帛尊爵。鑪設洗。與祭司工儀同。承祭官暨禮部太常寺有職事。工部內務府管工各官咸朝服。簪花披紅。乃陳吻於窰前。和聲署樂作。辭曰。和氣嘉祥。應聖日華耀。明仰方泰紫。俯念砥平。繚廓絃瀛。此惟表正。食

神德蒙

神慶享明禋億萬齡。

琉璃窰及各門辭同。

太常寺贊禮郎引

琉璃窰承祭官詣

窰神位前行禮。引各門承祭官詣

門神位前行禮。均與祭

司工儀同。祭畢。導迎樂作。辭曰。

皇作宮殿。因地順天。如竹苞矣。美哉輪奐。鳥翼飛松。桷榑樂且安。居萬年。鑿儀衛。校鼻吻。禮部太常寺官前導。承祭官從。所經諸門。承祭官迎於門。

前及工所管工官列班恭迎以入俟安吻事竣各退

右迎吻祭

窑神

門神

歲春秋諏吉祭

司倉神之禮通州祭於大西倉倉場侍郎主祭各監督陪祀京倉左翼於海運右翼於興平朝陽門外於儲濟各以本倉監督主之各監督分行

陪祀用羊一豕一果實十盤壺爵鑪鐙具主祭官朝服質明將事率陪祀官行三跪六叩禮上香三獻爵燎楮帛如儀退

右祭

倉神

河

誠應武肅王錢鏐於臨安

顯佑通濟昭靈効順廣利安民惠孚金龍四大王

謝緒於宿遷及濱河各邑

靜安公張夏於蕭山

寧江伯湯紹恩於紹興

寧漕公宋禮

永濟之神白英於汶上

燮元贊運演正警化孚佑純陽帝君呂岩於清河

威顯靈佑王許遠於山陽之高堰

昭靈顯佑水府都君於山陽

彰靈衛漕神張襄於清河

佑民衍澤太湖神王天英於湖州及蘇州

崇節惠利蠓磯靈澤夫人於蕪湖

靈感普濟神許遜於南昌

顯應元將軍於都昌之左蠡

廣濟孚順侯蔣崇仁

利濟孚惠侯蔣崇義

靈應孚佑侯蔣崇信於仁和。

保濟顯佑侯戴繼元於德清。

烈彰恬顯神於蕭山。

孚惠善政靈德侯王元暉於鄞。

孚惠佑民天井潭神劉揚祖於慈谿。

誠孚利濟總管之神陳道興於義烏。

護國庇民妙靈昭應宏仁普濟福佑羣生誠感咸

孚顯神贊順垂慈篤祐天后於福州莆田湄州及

清口惠濟祠並濱海各邑。

神父積慶公母積慶夫人祭於莆田清

口天后祠後殿

福應靈孝昭順純懿慧感夫人曹娥於會稽。

宣威助順靖遠侯楊瀨。

鎮遠侯。

綏遠侯於永綏廳。

靈佑襄濟顯惠王黃守才於陳畱閩鄉及濱河各

邑。

助順永寧佑安侯朱之錫於濱河各邑。

張桓侯飛。

趙將軍雲於曹

諸葛武侯亮於成都

昭靈普潤神於大荔

宣威布德康濟雷神陳文玉於雷州

英佑驍騎將軍江起龍

襄靖普佑神張瑜於徐聞

顯佑英濟廣福王武當於義寧

昭靈普惠神

敷佑康澤靈應侯耿裕德於運河揚糧廳

柔嘉康濟神於鄒城

靈應鎮海威遠金華將軍曹杲於錢塘

敬義侯

尚義侯

秉義侯詹姓三神於翁源

孚惠侯晁說之於鄞

顯佑宣靈王周雄於新城

昭應伯王光鼎於建德

靈佑伯周文煜於黔陽

猛將軍劉承忠於各直省府州縣致祭之禮每歲

春秋所在守土官具祝文各隨時撰擬香帛羊一豕

一尊一爵三陳設祠內如式質明守土正官一

人朝服詣祠行禮儀節與直省祭

關帝廟同

右祭直省所在有功德於民神祠

前代聖賢名臣忠烈祠墓暨

本朝開國勲臣墳墓恭逢

皇帝時巡方嶽離

御道三十里內者遣官致奠前期翰林院具祝文

隨時隨人撰擬太常寺備香帛授遣官齋往祭日守土

官於祭所設洗備脯醢果實七盤品物各隨其土產鑪

鐙具左設一案供祝文右設一案陳香盤一帛

一尊一爵三通贊一人引贊二人司祝香帛爵

各一人以所在禮生充黎明遣官采服至所祭

地引贊引詣盥洗所盥手畢通贊贊執事者各

司其事引贊贊就位引遣官詣拜位前立通贊

贊迎神引贊引遣官詣香案前司香奉香跪於

左引贊贊上香遣官上香如常儀贊復位遣官退復位贊跪叩興遣官行二跪六叩禮興通贊贊奠帛爵行初獻禮司帛獻篚司爵獻爵如常儀贊讀祝司祝奉祝文立案左宣讀訖安於篚內退亞獻終獻均如初儀通贊贊送神引贊贊跪叩興遣官行二跪六叩禮興通贊贊奉祝帛送燎執事者各奉祝帛香以次送燎通贊贊望燎引贊引遣官詣燎鑪前眡燎禮畢引遣官退執事者皆退

右時巡遣祭聖賢忠烈名臣勲臣祠墓

祭

賢良祠之禮前室祀親王郡王以下貝勒貝子以上後室祀公侯伯以下一二品大臣以上均按代序官同代同官序其年月位均南向歲春秋仲月諏吉前室遣官一人致祭後室以太常寺卿一人將事所祀王子孫咸與行禮大臣子孫通籍在京者如之祭之日太常寺官入祠供具前室異案各羊一豕一果實五盤鑪二鐙二

大清通禮 卷十六 六
中設一案少東北向。供祝版。西設一案東向。陳香盤二。尊二。爵六。素帛二。色白。後室五案。共羊一。豕一。每案果實五盤。鑪。鐙具。東設一案西向。陳香盤一。尊一。爵三。素帛一。凡牲陳於俎帛。實於篚。尊。實酒。冪。勺。具。設洗於前室東階下。前後各設燎鑪於垣門內東南隅。漏未盡。與祭者各服其服。畢集於祠垣門內。太常寺典儀立前室檻外之東。司祝立祝案。東。司香。司帛。司爵。各以其職爲位。掌燎率燎人立燎鑪前。質明。承祭官采

服詣祠。贊禮郎二人引前室承祭官由中門入。又二人引後室承祭官隨入。各至東階下。盥手。畢。升階。就拜位前立。鴻臚寺官引王以下子孫序立於前室甬道左右。引公以下大臣子孫序立於後室庭中左右。均北面。典儀贊執事官各共迺職。贊禮郎贊就位。承祭官以下咸就位。贊上香。前室承祭官詣正中香案前立。司香跪奉香。承祭官上炷香。三上瓣香。次詣各香案前上香。如儀贊復位。承祭官復位。贊跪叩。興。承祭官

暨陪祀官均行二跪六叩禮興後室承祭官同
時詣中案前上香儀同凡儀節後室均隨前室唱贊行禮典儀
贊奠帛爵行初獻禮有司揭尊冪勺挹酒實爵
司帛奉篚詣案前跪奠於案三叩興司爵奉爵
立獻正中皆退前室後室同司祝詣祝案前跪
三叩興奉祝版立案右典儀贊讀祝司祝北面
宣讀承祭官立聽陪祀官皆跪聽辭曰維某年
月日

皇帝遣某官某

諭祭賢良祠王大臣和碩怡賢親王大學士榜式達
海等之靈曰功銘鐘鼎尚書崇元祀之文德冠巖
廊周禮著大烝之典蓋旂常載績本臣子之素懷
而俎豆薦馨乃朝廷之崇報爾和碩怡賢親王等
望重親賢粹鍾川嶽竭忠誠而體國著勲德於當
年大學士榜式達海等或當

列祖開基之日佐命立功或際熙朝極盛之時宣猷贊
化或驅除暴亂定疆宇於域中或震耀聲靈收版
圖於海外內則台星卿月奏亮工熙載之勲外則

賜鉞授麾襄阜物安民之治老成謀國者進黃髮
之嘉猷清白持身者表素絲之高節純勤盡職則
夙夜匪躬密勿承休則堂廉一德仰惟

世宗憲皇帝追思前績特煥裏綸崇廟宇於神京布几
筵而時祭蓋以表揚既往沛酬庸褒德之恩激勸
將來勵懷古欽風之志朕寅承丕緒嗣舉舊章撫
節物以懷賢潔牲牢而致享英靈如在尙克歆承
讀訖司祝以祝版安於中案篚內跪三叩興退
陪祀官三叩興典儀贊行亞獻禮司爵奉爵奠

於左贊行終獻禮司爵奉爵奠於右均如初儀
贊禮郎贊跪叩興承祭官暨陪祀官均行二跪
六叩禮興典儀贊奉祝帛送燎司祝司帛司香
奉祝帛香以次送燎如儀承祭官避立西旁俟
過復位典儀贊望燎陪祀官退贊禮郎引承祭
官分詣燎位眡燎贊禮畢仍引由中門出各退
右祭賢良祠

直省會城歲春秋仲月祭守土有功德大吏於
賢良祠祭日眡

京師以知府一人主之。教授教諭訓導等官執事。祭品用羊一。豕一。果實五盤。帛一。尊爵鑪。鐙具。主祭官上香。奠帛。三獻行禮儀均與直省祭忠孝節義祠同。祝辭曰。維某年月日。某官某致祭於

賢良之靈曰。惟

靈。文武憲邦。公忠體國。當

皇朝之肇造。心膂攸同。值

列聖之不承。股肱作輔。明良合德。奮庸而庶績咸熙。中

外宣猷敷澤而兆民永賴。洵屬廟廊之碩望。允宜俎豆以明禋考績紀勲。崇報昭垂於令典。陳牲奠幣馨香祇薦於歲時。尚饗

右祭直省賢良祠

祭

昭忠祠之禮。凡親王。郡王。貝勒。貝子。公侯伯。大學士。內大臣。尚書。都統。將軍。總督。一品子爵。前鋒統領。護軍統領。侍郎。巡撫。副都統。二品男爵。

三品京卿提督總兵官及武職加贈至正從一品等官各奉安於前室位均南向凡四品卿翰林學士布政使按察使一等侍衛叅領輕車都尉及武二品之副將等官奉安於後正室凡五品少卿二等侍衛道府佐領騎都尉及武三品之叅將遊擊等官奉安於後左室凡侍講侍讀御史郎中員外郎主事二等侍衛雲騎尉及武四品之都司等官奉安於後右室位均南向凡同知知州通判驍騎等校及武五品之守備等

官奉安於前東配室凡知縣筆帖式州同縣佐以下及武六品之千把總等官奉安於前西配室東位西向西位東向配室左右及前廡東西羣房凡陣亡士卒以其名附歲春秋仲月諏吉遣大臣一人詣前室致祭太常寺官十有三人各分獻所祀王公子孫暨諸臣子孫在京師者咸與行禮祭之日太常寺官入祠供具前室七案中室羊一豕一果實五盤左三案各果實五盤共羊一豕一右如之中左右各香案一鑪一

鐙二。後正室五案。後左右室各三案。每案果實
五盤。共羊一。豕一。爵三。中案奠獻。餘爵實酒。每
豫設配室。及房廡同。每
室統香案一。鑪。鐙具。東西配室各五案。陳設如
之前廡。及後東西羣房。每案果實二盤。豕肉一。
爵三。鑪。鐙具。前室中設一案。少東北向。供祝版。
東西序設案。分陳香帛。尊。虛爵。後室及前配室
左右房廡分陳香帛。房廡不
設帛。尊。虛爵。如儀。漏未
盡。與祭者各服其服。畢。集祠門內。太常寺典儀
立室東檐下。司祝立祝案東。司香。司帛。司爵。各

以其職爲位。掌燎。率燎人立燎。鑪前。質明。承祭
官暨分獻官。采服詣祠。贊禮郎引承祭官。由中
門入。至東階下。盥手。畢。升階。就拜位前。立。引後
室分獻官。各於中檻外序立。引前配室及房廡
各分獻官。於甬道上。東西序立。鴻臚寺官引陪
祀宗室王公及大臣官。弁後裔。見任一品二品
者。於階上。東西三品以下。五品以上。於階下。東
西六品以下。及有職者。在大門內階下。東西。按
班序立。典儀贊執事官各共迺職。贊禮郎贊就

大清通禮 卷一六 三
位承祭官就位贊禮郎引由前室中門入詣香案前立贊上香司香跪奉香承祭官上炷香三上瓣香以次詣左右香案前上香如儀贊復位承祭官復位贊跪叩興承祭官分獻官暨與祭者均行二跪六叩禮興典儀贊奠帛爵行初獻禮前室司帛奉篚各奠於案三叩興司爵奉爵各奠於正中皆退同時後室東西配室房廡分獻官分詣各香案前上香如儀執事生獻帛於案司爵獻爵中案正中退司祝詣祝案前跪三

叩興奉祝版立案右典儀贊讀祝司祝北面宣讀承祭官及分獻官立聽與祭者跪聽辭曰維某年月日

皇帝遣某官某

諭祭八旗直省盡節立功之和碩敬謹親王等之靈曰周禮有司勲之職名勒旂常祭法載勤事之文光生俎豆蓋舍生取義臣子抒報國之忱而報德酬庸朝廷示作忠之典英標如在渥澤宜頌爾和碩敬謹親王等丹心自勵正氣挺生果敢本於性

成見危授命。忠誠矢於敵。愾眊死如歸。生當開創之年。執銳披堅。實賴干城之佐。運際承平之日。安邊除暴。亦資禦侮之才。或陷陣以爭先。或守土而盡職。或被誘不辱。乃授首以從容。或深入無援。遂致身於倉卒。雖天戈所指。如振槁而摧枯。乃大義爲昭。可凌霄而貫日。仰惟

世宗憲皇帝軫懷曩烈。誕賁殊榮。命立專祠。俾膺特典。王公將帥。躋正宇之輝煌。士卒偏裨。列兩廡而陪侍。蓋所以表忠貞於既往。昭節義於無窮。朕洪紹

丕基。遵行常祀。功書竹帛。旣揚久遠之芳徽。禮薦牲牢。勿替春秋之血食。苾芬在列。靈爽歆承。讀詔以祝。版奉安於中案。篚內跪叩。如初。興退與祭者。咸三叩。興亞獻。終獻均如初。儀贊禮。郎贊跪。叩興承祭官。分獻官。及與祭者。均行二跪六叩禮。典儀贊奉祝帛。送燎。有司奉祝帛香。以次送燎。承祭官。眡燎。均如祭賢良祠之儀。

右祭昭忠祠

直省府城歲春秋仲月守土官祭本籍陣亡文
武官及兵丁鄉勇等於

昭忠祠文三品武二品以上於京師昭忠祠
祠祔祀外其本籍仍一體入祠致祭祭

日眠

京師陳設祭品及行禮儀節與直省祭賢良祠同

右祭直省府城昭忠祠

京師功臣專祠歲以春秋仲月諏吉遣太常寺卿
分詣致祭祭

睿忠親王之禮祠內一案以福晉配祭日太常

寺官入祠具器陳羊一豕一果實五盤鑪一鐙

二中設一案少東陳祝文東設一案陳尊一香

盤一報功制帛七色爵二十有一設洗於祠門

內之東司祝司香司帛司爵典儀掌燎各以其

職為位如常儀質明承祭官采服詣祠贊禮郎

二人引自中門入盥手畢升階詣拜位前立典

儀贊執事官各共迺職贊禮郎贊就位承祭官

就位立贊禮郎引承祭官詣香案前贊上香司

香跪奉香承祭官上炷香三上瓣香畢贊復位

承祭官復位贊跪叩興承祭官行二跪六叩禮
興典儀贊奠帛爵行初獻禮司帛奉篚司爵奉
爵各奠於案如常儀退司祝至祝案前跪三叩
興奉祝文立案右北面宣讀辭曰維某年月日
皇帝遣某官某

諭祭於睿忠親王之靈曰惟王功懋造邦忠能奉國
馳驅盡瘁任隆則實冠親賢篤棊盟忱誣辨而彌
彰精白既雪貞心於百載宜酬偉績於千秋鏤簡
鐫珉追卹盡從渥典雕筵翠俎升馨用飭祠官茲

以仲春秋特陳時薦靈其來格勿替歆承讀訖以祝

文安於篚內跪叩如初興退典儀贊行亞獻禮
司爵獻爵於左贊行終獻禮司爵獻爵於右均
如初儀贊禮即贊跪叩興承祭官行二跪六叩
禮典儀贊奉祝帛送燎司祝司香司帛奉祝
香以次送燎如儀承祭官避立拜位西旁埃邊
復位立典儀贊望燎贊禮即引承祭官詣燎鑪
前眡燎贊禮畢仍引由中門出退

右祭睿忠親王

祭

定南武壯王之禮。祠內一案以福晉配。祭日用報功制帛三。爵九。餘陳設及行禮儀節。與睿忠親王同。祝辭曰。維某年月日。皇帝遣某官某

諭祭於定南武壯王孔有德之靈曰。人臣盡忠仗節。矢天日而不渝。朝廷卹死酬勲。撫歲時而增感。爾定南武壯王孔有德。膚功早著。偉烈常存。茲當仲春之辰。益念忠良之績。特頒祭典。用慰幽靈。王如秋

有知。尙克歆饗。

右祭定南武壯王

歲春秋祭

恪僖公之禮。祠內三案。恪僖公。遏必隆。居中。果毅公。諡愨。敬尹德。左。果毅繼勇公。諡襄。壯阿里。右。各以夫人配。每祭陳羊三。豕三。果實十五。盤尊三。每位爵各三。素帛六。香盤三。承祭官采服詣祠就位。以次至各案前。上香畢。復位。餘陳設及行禮儀節。與定南武壯王同。祝辭曰。維某

年月日。

皇帝遣某官某

諭祭於恪僖公。遏必隆。公妻和碩格格。公妻多羅格格。公妻一品夫人巴雅拉氏。公妻一品夫人舒舒覺羅氏。果毅公尹德。公妻一品夫人董氏。公妻一品夫人魏氏。公妻一品夫人高氏。果毅繼勇公阿里衮。公妻一品夫人瓜爾佳氏。公妻一品夫人李氏之靈曰。秩崇功於命祀。夙備彝章。昭美報於宗祏。優逾常格。綿翼子貽孫之克裕。宜同堂共享之。

兼隆。惟爾蓋臣國之懿戚。紀勲勞於青簡。翊運名垂。推恩澤於

璇闈。專祠禮協。嗣以忠能。繩武酬庸。展蠲潔之筵。更以績懋。殫忱教孝。沛顯揚之綽。用振箕裘於奕葉。並依昭穆以垂馨。厚澤長畱。再世之勤。施允紹。明禋上逮。一門之寵。眷斯膺。茲以仲春聿頒嘉薦。靈其不昧。尙克歆承。

右祭恪僖公

歲春秋祭

勤襄公之禮祠內三案勤襄公佟圖賴居中忠
 勇公佟國綱左端純公佟國維右各以夫人配
 祭日每案羊一豕一果實五盤鑪一燈二東西
 各設一案分陳香盤三素帛七爵二十有一尊
 三承祭官采服詣祠就位以次至各案前上香
 畢復位行禮儀節均與祭定南武壯王同祝辭
 曰維某年月日

皇帝遣某官某

諭祭於勤襄公佟圖賴公妻一品夫人覺羅氏忠勇

公佟國綱公妻一品夫人塔他喇氏公妻一品夫
 人温都氏端純公佟國維公妻一品夫人赫舍哩
 氏之靈曰崇功報德禮首逮於元臣錫類推恩誼
 尤敦於懿戚考彝章而立廟因時序以薦觴惟爾
 一門宣猷累葉効忠貞而體國名著旂常秉孝義
 以型家芳傳國史望高閭闔蔚爲勲舊之宗慶衍
 庭幃光啟

聖慈之範茲當

春秋

仲特遣專官設奠几筵靈其歆饗

右祭勤襄公

歲春秋祭

文襄公之禮。祠內一案。以夫人配祭日。用素帛。三爵九餘陳設及行禮儀節。與定南武壯王同。祝辭曰。維某年月日。

皇帝遣某官某。

諭祭於文襄公圖海之靈曰。義重酬勲。眷鈞衡之舊德。禮隆秩祀。因節序以申恩。爾文襄公圖海。望高國器。功贊王猷。表世德於戟門。生膺第祿。贈崇階於鼎爵。歿被榮名。渙新綍而建祠。遣專官而致祭。

時當春秋仲式布几筵靈其有知。尙能歆格。

右祭文襄公

歲春秋祭

宏毅公之禮。祠內一案。以夫人配祭日。用素帛。一爵三餘陳設及行禮儀節。與定南武壯王同。祝辭曰。維某年月日。

皇帝遣某官某。

諭祭於宏毅公額亦都巴圖魯。公妻和碩公主。公妻一品夫人覺羅氏。公妻一品夫人通殷氏。公妻一

品夫人通殷氏之靈曰。誼重酬庸。茂典聿加於勲。舊禮隆展。祀歲時宜。備於馨香。爾宏毅公額亦都。巴圖魯。開國名臣。從龍上佐。表成勞於鐘鼎。青史揚芬。紀偉績於旂常。豐碑示寵。既叨恩於

廟食

更賜祭於專祠。式賁新綸。允符彝憲。時當仲

春用

布几筵。靈而有知。尙其歆格。

右祭宏毅公

歲春秋祭

恪僖公之禮。祠內四案。恪僖公哈世屯。居中。敏

果公米思翰。左。莊愨公李榮保。右。追封郡王諡文忠。傅恒。次左。各以夫人配。每祭。陳羊四。豕四。果實二十盤。尊四。爵各三。素帛九。香盤四。行禮儀節。與勤襄公同。祝辭曰。維某年月日。

皇帝遣某官某

諭祭於恪僖公哈世屯。公妻一品夫人覺羅氏。敏果公米思翰。公妻一品夫人穆起覺羅氏。繼妻博爾濟吉特氏。莊愨公李榮保。公妻一品夫人覺羅氏。追封郡王傅恒。公妻一品夫人追封福晉那拉氏。

之靈曰情殷念舊千秋之俎豆攸光義重酬庸累世之簪纓咸列考彝章而秩祀因時序以申恩惟爾一門夙稱望族祥延華緒美早濟乎親賢誼篤蓋臣猷更宣夫忠勇曩以師還蜀塞特俾鼎建宗祠溯家聲而源本無忘崇國憲而馨香是報迨軫遺徽於麟閣彌懷盡瘁於蠻陬式慰英靈妥繡裳而教孝垂休奕葉釐瓚旨以褒勲凡此寵渥之頻加悉由功名之自奮毓夫人猶其公刺羊四不四坤元而儷極榮封已錫明綸隨節候而肆筵歲薦不昭

令典茲當

春秋

仲聿致常儀尙克欽承庶其歆受

右祭恪僖公

祭

雙忠祠之禮歲春秋仲月遣官一人將事是日
太常寺宮具祝版備器陳龕位前統設一案陳
羊一豕一果實五盤鑪鐙具設案於祠內正中
少東供祝版東設一案陳報功制帛二香盤一
尊一爵六設洗於東階下之南承祭官拜位在
香案前正中司祝司香司帛司爵典儀掌燎各

以其職為位質明。承祭官采服詣祠。行禮儀節。與祭昭忠祠同。祝辭曰。維某年月日。官職某官。

皇帝遣某官某。

諭祭於襄烈伯傅清。壯果伯拉布敦之靈曰。臣子効匪躬之節。報禮斯隆。國家昭異數之恩。褒忠罔替。既旂常之永勒。宜俎豆之世延。倦撫流光。長懷往績。爾襄烈伯傅清。壯果伯拉布敦。共矢精誠。同宣義烈。捐生絕塞。已銘殊績於鐘鐻。晉爵崇階。用安貞魂於廟食。茲當春秋仲爰命祠官。載考彝章。聿修

秩祀馨香。申薦。歷日月以如新。竹帛揚芳。與山河而共久。爾靈不昧。尚克歆承。

右祭雙忠祠

祭

旌勇祠之禮。祠內設三案。誠嘉毅勇公諡果烈。明瑞居中。都統諡昭節扎拉豐阿。總兵王玉廷。右。每祭。陳福。左。護軍統領觀音保。總兵王玉廷。右。每祭。陳羊一。豕一。果實十五盤。尊二。爵十。有八帛六。香盤一。祭日。太常寺官具器陳及承祭官行禮儀。

節均與祭雙忠祠同。祝辭曰。維某年月日。

皇帝遣某官某

諭祭於誠嘉毅勇公諡果烈明瑞等之靈曰。戎行致果英風永播於光。陬鉅典褒忠靈祀聿標乎綽楔。惟折衝以並奮。斯妥侑之宜崇。用建朱纛式彰丹。悃爾明瑞。簪纓世胄。韜畧雄才。蔥嶺雪山。早歲樹。從戎之績。金符玉節。頻年抒綏遠之謨。西陲久著。夫威名。南土仍資其策。馭權兼九伐。並加司馬之。官階。地控三宣。爰建將軍之幕府。漳江築壘。擁楯。

先登石壁。橫梁揚旌。竟渡堅摧。象陣遂盡。收蠻結之糧。影息蜂屯。更遠致波。竜之使。佇看羆虎。早殄鯨鯢。猥因別隊之紆程。遂致大兵之乏援。轉戰經四五旬之久。縣軍歷數千里。而遙連營之士氣。猶強身親斷後。極微之將星。忽落。計絕遄歸。惟時師武之臣。共勵疆場之節。爾都統扎拉豐阿。護軍統領觀音保。總兵李全。王玉廷。德福等。心甘鋒鏑。競効命以爭先。感動旌麾。遂捐身而不惜。分銳師於兩路。未竟成謀。媿毅烈於雙忠。宜隆秩祀於戲崔。

崑棟桷九章之賜服空縣穆肅几筵奕世之垂名
勿替雲臺烟閣畫圖傳颯爽之姿電馬飈車笳鼓
振精靈之氣歆茲俎豆賁爾鼎鐘

右祭旌勇祠

祭

獎忠祠之禮祠內設一案祀贈郡王銜諡文襄
福康安每祭陳羊一豕一果實五盤尊一爵三
帛一香盤一餘陳設及行禮儀節與旌勇祠同
祝辭曰維某年月日

皇帝遣某官某

諭祭於贈郡王銜諡文襄福康安之靈曰朕惟功懋
懋賞眷篤棊於忠謨思贊贊襄獎勤勞於祀典心
膺股肱之任社稷銘勲鹽梅舟楫之材馨香食報
飾終示厚已昭殊錫之榮豐祀酬庸宜有加崇之
禮爾福康安忠誠秉性敏練知機名早冠於勲賢
幼卽承夫誨育惟迺父同心一德世篤忠貞暨爾
身宣力四方戎昭果毅制節歷封疆之任由秦蜀
而莅閩粵滇黔軍麾揚斧鉞之威洵桓信而襄忠

銳嘉勇。少董金川之役。奪砦登碕。嗣提石堡之師。殲魁獲醜。蚶江偃靖。鯨波允息。於臺灣。楛卡綏來。竿道遙通。於藏衛。屢圖形於紫閣。籌運軍諮。更簡直於黃扉。綸襄機務。屬有苗之弗率。當我武之維揚。特任勦除。不辭勞瘁。蠢茲折首。叢爾傾心。甫迅拔於山梁。遂邁攻於箐穴。是念三驅之効。率我同仇。爰超五等之封。光於異姓。疊予以恩。殊數異因。獎蓋臣方期其年富。力強。彌彰偉績。豈意勞因致疾。國爾忘身。運籌於病極之時。齎志於功成之日。

美克家之令子。能體父心。媿開國之勲臣。延封王爵。廟貌垂型於海嶠。草木威名。忠魂增饗於家祠。苾芬歆薦。崇秩春秋之祀。懋旌夙夜之忱。定國以勞。酬功勿替。

右祭獎忠祠

祭

褒忠祠之禮。祠內設一案。祀三等公。諡忠毅額。勒登保。每祭陳羊一。豕一。果實五盤。尊一。爵三。帛一。香盤一。陳設及行禮儀節。與獎忠祠同。祝

辭曰維某年月日

皇帝遣某官某

諭祭於三等公諡忠毅額勒登保之靈曰旂常紀績
襄蓋世之勲臣俎豆酬庸秩上公之祀典時通肸
饗式格精靈爾額勒登保賦質起桓抒忱篤棊起
家甲士早奮跡於戎行効職辰垣洊遷班於宿衛
屢佐龍驤之畧力鞏長城旋趨鶴禁之階躬依近
闈繁旗率屬許隨潛邸以宣勤偉烈平苗詔錫通
侯而拜賜逮乎驪山秉節虎帳橫戈聲吞蚊蚋之

芒風雲作氣勢壓貔貅之隊草木知名屬搗穴以
驅氛凱唱競騰於三省屆上

陵之歲禮圭封特晉於重頒方列五爵之先適報大星

之隕賞延及世典備易名殊恩增歿後之榮允垂
竹帛專祀美生前之報用潔蘋蘩茲以仲春載申
酌祭於戲百戰之雄風未沒忍聽鼙鼓以興思九
重之寵命維新長奉琬筵而勿替茂儀時舉英爽
來歆

右祭襄忠祠

祭

盛京賢王祠之禮。正殿設三案。中案奉通達郡王雅爾哈齊。武功郡王禮敦。慧哲郡王額爾袞。左案奉宣獻郡王界堪。禮烈親王代善。睿忠親王多爾袞。饒餘敏親王阿巴泰。豫通親王多鐸。右案奉穎毅親王薩哈廉。鄭簡親王濟爾哈朗。克勤郡王岳托。武肅親王豪格。怡賢親王允祥。位均南向。每案羊一。豕一。果實五盤。鑪鐙具。殿中少東設案一。陳祝文。東設一案。陳尊十有三。素

帛十有三。爵三十有九。歲春秋季月。以奉天府尹承祭。讀祝贊禮。暨執事官。以

盛京禮部贊禮郎充。餘行禮儀節。均與

京師賢良祠同。祝辭曰。維某年月日。

皇帝遣某官某

諭祭於通達郡王。武功郡王。慧哲郡王。宣獻郡王。禮烈親王。睿忠親王。饒餘敏親王。豫通親王。穎毅親王。鄭簡親王。克勤郡王。武肅親王。怡賢親王。之靈曰。功推元祀。懿親光翊。贊之勲。禮重專祠。時祭稱

大清通志 卷十六
三
褒崇之典。溯謨猷而長在。申禋祀以彌加。惟王等
川嶽鍾英。親賢備美。當

列祖開基之日。丕奮忠勤。緬舊邦佐命之勞。適昭來許。
恩垂帶礪。既錫祉於銀潢。績煥旂常。亦揚芬於玉
冊。新祠肇建。懿典攸崇。褒德酬庸。篤念風雲之會。
感時撫序。式憑俎豆之馨。茲以仲春用申告祭。靈
其不昧。尚克歆承。

右祭盛京賢王祠

歲春秋祭西征陣亡將士於蘭州忠勇祠守土

官一人主祭。丞史二人分獻。執事以禮生充。正
祠祀諸將帥。案各果實五盤。素帛一尊。爵三。
鑪一。鐙二。共羊一。豕一。兩廡祀諸軍卒。案各果
實二盤。豕肉一尊。爵三。鑪一。鐙一。具祭之日。所司
備祝文具。牲牢品物。守土官采服詣祠。行三獻
禮。儀與直省祭忠義孝弟節義祠同。

右祭忠勇祠

凡名臣忠節諸臣。於直省建立專祠者。歲以春
秋。諏吉致祭。河道總督諡文襄。靳輔。河道總督

諡勤恪齊蘇勒大學士前河道總督嵇曾筠大

學士前兩江總督高斌合祠於江蘇清河縣僉事

陳漢附祀總督田文鏡祠於河南開封府湖廣

辰常總兵左都督徐勇祠於湖南廣西巡撫馬

雄鎮撫蠻滅寇將軍廣西巡撫傅宏烈祠於廣

西閩浙總督諡忠貞范承謨巡海道贈工部侍

郎諡忠毅陳啓泰福寧總兵吳萬福福州知府

王之儀邵武知府張瑞江西建昌知府高天爵

建寧同知喻三畏邵武同知高舉侯官知縣劉

嘉猷龍溪知縣李塤福州城守營千總廖有功

祠於福建嵇永仁王龍光沈天成雲貴總督甘

文焜祠於雲南山西汾州知府黃廷柏祠於山

西駐藏都統贈一等伯傅清左都御史贈一等

伯拉布敦祠於西藏通司岡伊犁將軍誠勇公

班第叅贊大臣襄勤伯鄂容安祠於伊犁西安

將軍繼勇侯德楞泰祠於四川成都府提督許

世亨總兵張朝龍尙維昇祠於越南副將韓自

昌韓家業祠於甘肅武威縣浙江提督李長庚

大清通禮 卷十六 三
祠於福建同安縣。河南滑縣知縣強克捷祠於
陝西韓城。及河南滑縣。致祭之禮。所司備祝文。
具牲牢品物。守土官采服詣祠。行三獻禮。儀與
祭直省忠義孝弟節義祠同。

右祭直省名臣忠節諸臣專祠

直省府州縣歲三月寒食節。七月望日。十月朔
日。祭厲壇於城北郊。前期守土官飭所司具香
燭。公服詣

神祇壇。以祭厲告本境。

城隍之位。上香跪三叩。興退。至日。所司陳羊三。豕
三。米飯三石。尊酒。楮帛。於祭所。設燎鑪於壇南。
黎明。禮生奉請

城隍神位入壇。設於正中。香案一。鑪。鐙。具。贊禮生
二人。引守土官公服詣

神位前。贊跪。守土官跪。贊上香。守土官三上香。贊
叩。興。守土官三叩。興。退。執事者焚楮帛。守土官
詣燎鑪前。祭酒三爵。退。禮生仍奉

城隍神位還

神祇壇退

右直省祭薦附

[Faint bleed-through text from the reverse side of the page, including characters like '祭薦' and '壇'.]

大清通禮卷之十七

吉禮

親王世子郡王家祭之禮立廟七間中五間為堂左右二間隔以牆為夾室堂後楣以北五室中奉始封之王世世不祧高曾祖禰依世次為二昭二穆昭東穆西親盡則祧由昭祧者藏主於東夾室升昭之二位於一室以二室奉升祔之主由穆祧者藏主於西夾室升祔亦如之庭繚以垣南為中門又南為廟門左右各設側門

大清通禮 卷一
庭東西廡各三間。東藏遺衣冠。西藏祭器樂器。廟重檐。丹楹采桷。綠瓦紅堊壁。階凡三。出階。階各七級。門繪五色花草。出陛如之。焚帛鑪在中門之內。庭東南隅。剝牲房。在中門之外。西向。歲以四時仲月。諏吉祭。其始封祖及高曾祖。禩五世。配以正室。仲春之祭。並出祧主合食。

右廟制祭期

合食之禮。既擇日。徧告在廟所出子孫。族人以上者。屆期會行禮。府屬官僚咸陪祭。先三日。戒

子弟屬官有執事於廟者。讀祝一人。通贊一人。引贊一人。職盥一人。掌燎一人。職拜褥二人。以屬官爲之。奉香。每案一人。奉帛。每案一人。奉爵。每位一人。以子孫爲之。主人齋於外寢。陪祭執事者。咸致齋。

右戒執事齋

祭前一日。執事者入廟。埽除拂拭。主人盛服。率執事詣廟。引贊引主人入自東門。執事者隨入升東階。入堂左門。北面。眡設神案堂中。始封祖專案。

正位南向。左東夾室。祧主共案。東位西向。右西夾室。祧主共案。西位東向。左次二昭共案。東位西向。右次二穆共案。西位東向。堂中少西。設祝案一。北向。東序設香帛案一。尊案一。均西向。設盥於東階上。既備。引贊引主人降。詣庭東廊下。展樂器。祭器。闋祭文。詣割牲所。既殺牲。畢。由廟東門出。各退。

右闋祭器。既割牲。

祀日昧爽。廟中然炬。明鐙。主人率陪祭者。執事

者。咸朝服。

未仕者盛服。

入執事者。入堂左門。具器陳

每案羊一。豕一。

鉶二。簋二。籩二。籩八。豆八。

器未備者。

代以盤。椀。時物隨用。

鑪一。鐙二。每位七。一箸二。祝陳。祝文

於祝案。職香帛。爵者陳香盤五。尊五。帛每位各

一。爵每位各三。於負序東案上。陳胙盤於爵北。

實帛於篚。實酒於尊。實水於盥盆。加巾。樂工陳

樂於西階上。

樂六器。工六人。

主人位堂檐內正中。北面

與祭伯叔以上尊行。位東階上。兄弟子孫位東

階下。以世為差。世以齒為序。官屬位西階下。以

爵爲序。北面祝立。祝案西。東面。職香帛爵者。序立。尊案之東西面。樂工立西階上。北面。通贊立。堂門外東楹前。職盥者立盥所。燎人立燎鑪隅。

右陳設序立

質明。子弟之長者二人詣始祖室前。啓室奉請。神主又四人。分詣東西夾室。昭穆室前。各奉請。神主安設於几。皆昭位考右。妣左。穆位考左。妣右。跪一叩興。各退就原位立。職拜褥二人布褥於主人拜位前。通贊贊職事者各司其事。引贊

引主人陟東階。至盥洗所盥手。畢。通贊贊就位。引贊引主人就拜位立。子弟屬官各就位立。通贊贊迎神。職香者奉香盤進。樂作。引贊引主人詣始祖位前。贊跪。主人跪。贊上香。職香者跪奉香。主人三上香。興。以次詣左右祧位。左右昭穆位前。上香。畢。復位。贊叩興。主人宗族屬官。行二跪六叩禮。興。樂止。通贊贊奠帛。爵。行初獻禮。樂作。執事者揭尊幕。勺挹酒。實爵。職帛者奉帛。職爵者奉爵。以次詣各神位前。奠篚於案南。獻爵。

於案北正中。畢皆退樂暫止。祝者至祝案前跪奉祭文。俟案左引贊贊跪。主人跪陪祭者皆跪贊讀祝。祝讀祝畢。興奉祭文奠於始祖案前。帛篚內退樂作。贊叩興。主人率陪祭者三叩興。樂止。通贊贊行亞獻禮。職爵者奉爵各獻於左。如初儀。贊行終獻禮。奉爵各獻於右。如亞獻儀。既終獻。引贊引主人詣始封祖位前。奉福胙二人。以正位前職帛爵者供事。取胙槃詣始祖案前。一抄簋簋之實於槃。一取案北正中爵。退至主人右。跪俟接

福胙二人跪俟於左。

以職拜禱者供事

贊跪主人跪右

執事進爵。主人受爵拱舉。以授左執事。進胙受胙亦如之。畢執事者各退。贊叩興。主人三叩興。退復位。通贊贊徹饌。辭神樂作。執事者徹畢。引贊贊叩興。主人率陪祭者行二跪六叩禮。興樂止。通贊贊奉祝帛。送燎。執事者跪奉祝帛。香與祝前。香帛後。以次由堂中門出。送燎所。主人避立拜位旁。東面。職拜禱者徹禱俟過復位。與祭尊屬降階。立庭東西。東西面。通贊贊望燎。引贊引主人

降自東階詣燎位東面眡燎畢告禮成主人退就庭東立子弟之長者各詣神位前奉主還室跪三叩闔室退執事者潔滌祭器謹藏之主人率陪祭執事者咸退迺分胙徧頒於族屬

右行禮

時祭之禮堂中設五案始祖考妣正位南向高曾祖禰依昭穆爲左右與合食同均南向屆日陳設每案專牲羊一豕一餘牲帛器數及禮節並與合食儀同

右時祭

時節致薦先一日潔備品物屆日主人夙興率子弟盛服入廟埽除堂宇於始祖暨四親室前設案每案果六槃時羞六槃香槃一每位箸二棗三鑪鐙具陳設畢子弟之長者分詣各神位前啓室主人以次詣各案前跪上香三叩子弟取壺注酒於棗徧獻一巡主人就拜位前行二跪六叩禮子弟少後隨行禮畢迺徹果饌闔室各退

右時節薦新

因事致告。屆日夙興。入廟啓室。薦果槃四。庶羞四。主人上香。子弟酌酒獻酒。及行禮儀。注並同薦新儀。

右因事告廟

月朔日及望日。謁廟禮節。與致告同。東西夾室。祧位前。每月朔望。主人就室前啓室。上香。二跪六叩。子弟獻酒。隨行禮如前儀。畢。闔室退。

右朔望行禮

貝勒貝子宗室公家祭之禮。立廟五間。中三間為堂。後楣以北分五室。奉始封祖。暨高曾祖。兩旁為夾室。奉始封而下親。盡祧主如前位。廟及大門。均綠瓦。紅墜壁。階五級。廟不重檐。門不備采。餘如前制。合食。始祖專案。專牲。羊一。豕一。東夾室祧主。暨二昭。專案。共牲。羊一。豕一。西夾室祧主。暨二穆。亦如之。時祭。皆專案。二昭同牲。二穆同牲。眠親王籩豆各減二。不用樂。行禮。皆一跪三叩。餘儀與親王同。時節則薦果槃四。時

羞槃四。有事則告。朔望則參果槃二。庶羞槃二。薦獻儀節均與親王同。

室右貝勒貝子公家祭。

品官家祭之禮於居室之東立家廟。一品至三品官廟五間。中三間為堂左右各一間。隔以牆北為夾室南為房。堂南檐三門房南檐各一門。階五級。庭東西廡各三間。東藏遺衣物。西藏祭器。庭繚以垣南為中門。又南為外門。左右各設側門。四品至七品官廟三間。中為堂左右為夾

室為房。階三級。東西廡各一間。餘制與三品以

上同。世爵公侯伯子。一。品。男以下。按品為差等。八九品廟三間。中

廣左右狹。階一級。堂及垣皆一門。庭無廡。以篋

分藏遺衣物。祭器陳於東西房。餘與七品以上

同。在籍進士舉人。一。品。恩拔歲副貢生。一。品。堂後楣北設四室。奉

高曾祖。禰四世。皆昭左。穆右。妣以適配。南向。高

祖以上親盡則祧。由昭祧者藏主於東夾室。由

穆祧者藏主於西夾室。遷室祔廟均依昭穆之

次。東序西序為祔位。伯叔祖之成人無後者伯

叔父之成人無後及其長殤十六歲至十九歲者兄弟成

人無後及其長殤中殤十二歲至十五歲者妻先歿者子

姓成人無後及其長殤中殤下殤九歲至十一歲者皆

以版按行輩墨書男統於東女統於西東西向

歲以春夏秋冬仲月擇吉致祭戒子弟讀祝一

人贊禮一人執爵每案二人分薦耐位東西各

一人凡在廟所出子孫年及冠以上者皆會行

禮。

右廟制祭期

先祭三日主人及在事者咸致齋前一日主人
 率子弟盛服入廟。眡潔除拂拭畢。執事者於各
 室前設几几前供案。堂南總香案一。鑪擎具耐
 位東西各統設一案。設祝案於香案之西。設尊
 爵案於東序。設盥槃於東階上。眡割牲。一品至
 三品官羊一。豕一。四品至七品特豕。八品以下
 豚肩。不特殺。眡滌祭器。三品以上每案俎二。鉶
 二。敦二。籩六。豆六。七品以上籩四。豆四。八品以
 下。籩二。豆二。皆俎一。鉶敦數同。代以時用。槃。梳者聽。辨祭

器之實。俎實牲體。鉶實羹敦。實飯籩實時果。餅餌魚腊獸腊之屬。豆實炙載時蔬之屬。

右致齋具牲饌

屆日五鼓。主人朝服。與祭執事者盛服。入廟。主人俟於東階下。族姓俟庭東西。以昭穆世次為

序。執事者陳鑪。鐙於供案南。陳尊爵於東序案

代以壺陳祭文於祝案。實水於盥盤。加巾。主婦

率諸婦盛服入詣爨所。眠烹飪羹定。入於東房

治籩豆之實。陳鉶敦。七箸醯醬。以俟質明。子弟

之長者盥詣各室前跪。一叩。興。啓室奉主。以次

設於几。昭位考右。妣左。穆位考左。妣右。分薦者

設東西。祔位畢。贊禮立堂東檐下。西面。諸執事

分立東西序端。相向贊就位。主人升自東階。盥

詣中檐拜位。立。族姓行尊者。立於東西階上。卑

者。立於階下。皆重行北面贊。參神。主人入堂左

門。詣香案前跪。執事二人司爵者充一奉香槃。一挹

尊酌酒。詣主人左右跪。左進香。主人三上香。右

進爵。主人酌酒於地。以爵奠於案。興。退出右門

復拜位及族姓行一跪。二叩禮。贊初獻主婦率諸婦出於房。薦七箸醯醬於几前案北跪。一叩興。徧及祔位退入於房。庖人解牲體實於俎。執事者奉以升。各薦於供案。主人詣高祖案前。執爵者奉爵。主人獻爵。奠於正中。跪叩興。以次詣曾祖。祖。禰案前。獻爵。如前儀。分薦者徧獻祔位酒。訖退立於拜位。贊讀祭文。主人跪。族姓皆跪祝詣祝案之左。跪讀祭文曰。維某年月日。孝孫某謹告於某考某官府君某妣某氏之靈曰。氣

序流易。時維仲春夏。追感歲時。不勝永慕。謹以

潔牲庶品。粢盛醴齊。敬薦歲事。以某親某氏等。祔食。尚饗。讀訖興。以祭文復於案。退主人以下。一叩興。贊亞獻庖人納羹飯於東房。主婦率諸婦和羹。實於鉶。實飯於敦。出薦於案。及腊肉。炙載徧跪叩興。退如初禮。主人獻爵於各位之左。贊三獻。主婦率諸婦出於房。薦餅餌果蔬。叩退。主人獻爵於各位之右。分薦者徧獻祔位酒。均如初獻儀。贊受嘏。祝取高祖供案酒饌。降至香

案旁主人詣香案前跪。祝代祖考致嘏於主人。主人啐酒嘗食。反器於祝。接以興。主人一叩興。復位。贊送神。主人以下。一跪三叩。贊望燎。祝取祭文。由中門出。送燎。主人退避東階下。行輩長者咸降階。主人詣燎位。眠燎畢。與祭者出。主人率子弟納神主。上香。行禮。徹祭器。傳於燕器。潔滌。謹藏之。闔門各退。

右祭儀

日中迺餼。三品以上。時祭。徧舉。四品至七品。春

秋二舉。八品九品。春一舉。庖人熱酒饌。僕人布餼席於堂東西。北上。陳醯醬於席四隅。瓊楪匙箸之屬皆辦。與祭者尊卑咸在。從曾祖諸父居東第一席。從祖諸父居西第一席。諸父次東一席。諸昆弟次西一席。諸子諸孫在東西之末各一席。序定。主人肅尊者入席。從曾祖諸父卽席。從祖諸父東向尊者肅揖就位。諸父東向揖。西向揖。就位。諸昆弟揖如之。復揖諸父就位。諸子揖如諸父。復揖諸昆弟。諸孫揖如諸子。復揖諸

子皆就位主人離席僕執壺實酒從主人酌諸尊長酒每酌一人肅揖尊長答揖徧就位子弟之長者離席僕人執壺從敬酌主人諸子弟咸避席揖主人答揖復位主人命諸子弟徧酌酒席中少者舉壺各酌於其長者既徧皆坐主人興舉酒請於尊長坐尊長迺嘗酒卒爵衆嘗酒卒爵僕人進食主人興請於尊長坐尊長舉箸嘗食迺皆食每進食子弟閒行酒三巡長幼獻酬交錯飲無算爵湯飯畢長者起主人請酌長

者告飽遂離席諸子弟咸隨離席以次出主人送長者於門外入命徹席餽庖人僕人皆盡

右餽

凡恭遇

覃恩告廟行焚黃告祭之禮

制書至主人以黃紙恭謄一通奉於廳事正中諏吉

日擇同姓或戚屬已仕者一人宣

制戒子弟引贊二人通贊二人徧戒族姓屆期會行

禮前一日齋戒備告文祝文牲饌眠新贈之爵

為等。至日夙興灑掃堂宇。供張設饌案。以追贈所及世

數為香案施架。如儀。設改題神主案於堂東西

向。使人宿宣。

制者主人朝服率子弟盛服入廟。諸與祭者皆會。主

人詣贈主室前啓室焚香。跪子弟一人奉告文。

跪於主人之左讀告文。辭曰。維某年月日。孝子

某。或稱孝孫隨宜謹告於某考某官府君某妣某封某

氏之靈曰。某幸得列於位。恭逢

恩命。

贈及先人敬請神主祇受

制書。改題奉祀。謹告。讀訖。興主人叩興。奉考主子弟

奉妣主及族姓出廟門。俟於道左。宣

制者奉

制書。前引二人導行。至廟。眾跪接

制書入中門。升中階。南向立。眾皆隨入。至階下序立

主人奉考主在東。子弟奉妣主在西。族姓重行

立其後。皆北面。通贊分立東西柱前贊宣

制。主人以下皆跪聽宣

制。畢。奉主。行三跪九叩禮。衆隨行禮。宣

制官以

制書供香案架上。主人奉主置改題案上。揖勞宣

制者。宣

制者答揖。復揖。辭降自西階。主人從至廟大門外。揖

送入。改題神主爵位。詔奉主復位。序立。祭神。讀

祝。三獻酒。如時祭之儀。祝辭曰。維某年月日。孝

子某謹告於顯考某府君。顯妣某氏之靈曰。某

恭承庭訓。列位於

朝仰荷

皇仁推恩所生。贈考為某銜。妣為某銜。感念先澤。祿

弗逮養。茲以焚黃。謹備牲醴。用伸薦告。尚饗。祭

畢。焚黃。並祝文。奉主復於室。闔室出。主人以下

皆退。頒胙於宣

制者。餞族姓如儀。

右焚黃告祭

歲逢令節。薦新物一二三品。官。每案。時果四。庶

羞四。羹飯具四品。至七品。官。每案。時果二。庶羞

四八品九品官每案時果庶羞各二餘同。是日夙興。主婦潔辦果饌。主人盛服率族姓子弟入廟。然鐙灑埽。設案室前。訖盥洗。啓室。子弟分陳匙箸壺。瓊之屬於案北。主人序立於香案前。族姓以次序列於主人之後。主人跪焚香。訖叩興。子弟奉果羞。從主人詣高祖考妣位前。薦果薦羞。畢。子弟舉壺取瓊酌酒。進於主人。主人奠酒。訖。子弟復奉羹飯。從主人薦羹飯。訖。以次詣各案薦奠。如前儀。退至香案前。率族姓子弟一跪。

三叩興。子弟徹饌。主人闔室皆退。

右時節薦新

月朔望日。主人豫備茶食之屬。每案二器。主人夙興盥洗盛服。率族姓子弟入廟灑埽。潔神案。啓室。序位於香案前。主人跪焚香。訖叩興。子弟奉食及茶。從主人詣各神案前。以次供食。供茶畢。退復位。率族姓子弟行禮。如時薦之儀。徹主人闔室皆退。

右朔望獻茶

庶士

有頂監生員

家祭之禮於寢堂之北為龕以

版別為四室奉高曾祖禰皆以妣配位如前儀

南向。前設香案總一。服親男女成人無後者按

輩行書紙位耐食。男東女西相向。事至則陳已

事焚之。不立版。歲以春夏。秋冬節日。出主而薦

餅餌二槃。肉食果蔬之屬四器羹二飯二。前期

主人及與祭者咸致齋薦之前夕。主婦盛服治

饌於房中。厥明夙興。主人吉服率子弟設香案

於南。然燭置祭文堂北。設供案二。昭東穆西。均

以妣配位均南向。設耐案於兩序下各一。男東

女西。東西向。主人以下盥奉木主設於案。設耐

位於兩序案。訖主人東階下立。眾各依行輩東

西序立。主人詣香案前上香畢。率在位者一跪

三叩。興。主婦率諸婦出房中。薦匕箸醯醬。跪叩

如儀退。子弟奉壺。主人詣神案。以次斟酒薦熟

訖皆就案南跪叩。興。子弟薦耐位畢。主人跪在

位者皆跪。祝進至香案之右讀祭文。

辭見品官祭禮減潔

牲二字餘同

訖興退。主人以下叩。興再獻。主婦薦飯

羹三獻主婦薦餅餌時蔬主人斟酒跪叩均如初儀畢主人率族姓一跪三叩興祝取祭文及耐食紙位焚於庭衆出主人納木主徹退日中而餒春一舉布席於堂東西北上陳倚瓊匙箸如其人數傳祭食於燕器熱酒饌族姓至主人肅入序位以行輩年齒爲等旅揖卽席進酒饌酬酢如禮湯飯畢長者離席告退主人送於門外諸子弟皆隨以出徹僕人竣餘食皆盡月朔望日主人及家衆夙興盥洗啓寢室然燭詣香

案前依行輩序立主人上香訖子弟奉茶主人獻茶復位率衆一跪三叩興徹茶闔室衆退若家有吉事主人盥洗啓室然燭焚香以其事告行禮如朔望儀

右庶士寢薦

庶人家祭之禮於正寢之北爲龕奉高曾祖禰神位歲逢節序薦果蔬新物每案不過四器羹飯具其日夙興主婦治饌主人率子弟設案然鐙啓室奉神主於案上以昭穆序主人立於香

案前家衆序立於主人下。以行輩爲先後。主人
上香。一跪三叩。興。主婦陳七箸醯醬薦羹飯果
羞跪叩如儀。主人酌酒進於各位前。凡三次皆
跪。一叩。興。畢。主人率衆一跪。三叩。興。納主於室
徹。退。日中衆餽神食。歲一舉。論行輩先後同行
序齒列坐。酒行飯已。肅揖以退。月朔望日。供茶
然香。鐙。行禮。告事。亦如之。均與庶士儀同。

右庶人寢薦

